

Izjava OHR-a na konferenciji za medije međunarodnih organizacija

Općinski izbori u općini Gornji Vakuf-Uskoplje

U pismu vršiocu dužnosti predsjednika Izborne komisije BiH Lidiji Korać, visoki predstavnik je zatražio od komisije da preduzme neophodne korake koji će omogućiti da se se općinski izbori u općini Gornji Vakuf-Uskoplje održe u skladu sa Izbornim zakonom BiH.

Privremeno općinsko vijeće uspostavljeno odlukom visokog predstavnika od 15. septembra 2001. godine trenutno upravlja općinom.

U svom pismu, visoki predstavnik je obavijestio g-đu Korać da, citiram " u svjetlu napretka koji je napravljen u intergraciji općine, vjerujem da je došlo vrijeme da se općina Gornji Vakuf-Uskoplje vrati u normalnu situaciju i da se ovaj privremeni režim privede kraju."

Ovo pismo omogućava općini Gornji Vakuf-Uskoplje da održi općinske izbore u isto vrijeme kad i ostale općine u BiH.

OHR pozdravlja inicijativu ministra Radovanovića

Ministri odbrane Kordinacijskog pakta jugoistočne Europe su danas u Sarajevu započeli dvodnevni sastanak. Sastanak je organiziralo Ministarstvo odbrane BiH pod pokroviteljstvom ministra odbrane Nikole Radovanovića.

OHR pozdravlja ovaj sastanak: mir i stabilnost u regionu, kao i članstvo zemalja regiona u euro-atlantskoj zajednici,

najbolje može biti obezbjeđeno ako odbrambene strukture zemalja u regiji budu aktivno međusobno saradivale.

Takva saradnja olakšava praktično rješavanje pitanja od velikog značaja za regiju: kontrola i neširenje naoružanja i borba protiv terorizma. Činjenica da se sastanak održava u Sarajevu, u organizaciji Ministarstva odbrane BiH pokazuje značajne promjene u BiH i jugoistočnoj Europi.

Nedavna anketa koju je proveo Centar za strateške studije pokazuje da većina (52%) građana BiH očekuje poboljšanje sigurnosti nakon formiranja ministarstva odbrane. Preuzimajući ovakvo vodstvo ministar odbrane BiH jača razumijevanje za koristi ove institucije i za stabilnost koju bliža saradnja i Partnerstvo za mir pružaju građanima BiH.

Dalja saradnja i modernizacija na putu članstva u Partnerstvu za mir će biti najbolji način da se obezbijedi stvarno poboljšanje regionalne sigurnosti.

Prvi zamjenik visokog predstavnika se sastaje sa kantonalnim premijerima

Sutra poslijepodne u zgradici OHR-a, prvi zamjenik visokog predstavnika Donald Hays će predsjedavati dvosatnim sastankom sa deset kantonalnih premijera, ministrom urbanizma i okoliša FBiH Ramizom Mehmedagićem te ministrom poljoprivrede FBiH Marinkom Božićem.

Ove će biti treći sastanak u seriji sastanaka koje ambassador Hays mjesечно održava sa premijerima kantona. Ovi sastanci su se pokazali kao koristan način za promociju saradnje između kantona u cilju smanjivanja troškova proizvodnje i jačanja prirodnih prednosti zajedničkog rada – što su ključni načini kako kantoni mogu unaprijediti usluge koje pružaju prema građanima.

Sutrašnji sastanak će se fokusirati na načine borbe protiv poplava – uzrokovanih velikim padavinama ali isto tako nekontroliranom sjećom šuma i rudarstvom (što vodi do erozije tla i zamućivanja riječnog korita) ili zbog drugih oblika lošeg upravljanja resursima. Učesnici će razgovarati o

- finansijskoj i institucionalnoj neorganizovanosti sektora voda
- šumarstvu u BiH
- uticaju nelegalnog rudarstva na upravljanje okolišem i vodama

Kamermani su pozvani da snime otvaranje sastanka sutra u 15.30 sati u zgradi OHR-a. Saopćenje za javnost će biti izdato nakon sastanka.